



SIPA i Tužilaštvo BiH istražuju teroristički napad

# Mektić: Ima saslušanja, ali niko još nije uhapšen

Zbog sumnji da su povezani s okolnostima stravičnih ubistava, policijske agencije privede i saslušale nekoliko osoba

Državna agencija za istrage i zaštitu (SIPA) pod nadzorom Tužilaštva BiH i u saradnji s drugim policijskim agencijama intenzivno nastavlja istražne aktivnosti radi rasvjetljavanja i utvrđivanja svih potrebnih činjenica u vezi s napadom u Rajlovcu, potvrđeno nam je jučer u ovoj agenciji.

## Sastanak agencija

U brutalnom terorističkom napadu Enes Omeragić u sarajevskom naselju Rajlovac iz automatske puške usmrtio je vojnike OSBiH Armina Salkića i Nedeljka Radića, dok je ranio vojnika Dževada Ljukovca, a potom se ubio eksplozivnom napravom.


- U okviru istrage, SIPA poduzima niz mjera i radnji iz svoje nadležnosti, dok pojednost ne možemo komentirati - rekla nam je Kristi-



**Mektić: Ko stoji iza napada**



**Omeragić: Izvršio napad**



## Šta će pokazati istraga

na Jozić, portparol SIPA-e.

Boris Grubešić, portparol Tužilaštva BiH, kazao nam je kratko da ova pravosudna institucija nastavlja rasvjetljivati ovaj napad.

- Istraga u ovom predmetu još traje, to je sve što možemo reći - rekao nam je Grubešić.

No, kako saznajemo, čelnici SIPA-e, Tužilaštva BiH i OSA-e održali su jučer u Sa-

rajevu hitan sastanak na kojem su razgovarali o posljednjim dešavanjima u BiH i terorističkom napadu. Riječ je o sastanku na kojem su dogovorena zajednička operativna djelovanja, radi što bolje koordinacije.

Dragan Mektić, ministar sigurnost BiH, kazao je jučer za „Avaz“ da se teroristički napad u Sarajevu mora rasvijetliti do kraja.

- Radi se o teškom terorističkom zločinu i preko toga se ne smije preći - kaže Mektić.

## Bilo privođenja

On nam je potvrdio da je u proteklih nekoliko dana bilo privođenja i saslušanja određenih osoba, ali da niko nije uhapšen.

- No, vidjet ćemo šta će biti. Više je osoba bilo privođeno, ali nisu uhapšene. No, ne znači da hapšenja neće biti - rekao nam je Mektić.

**M. AŠČIĆ**

## Ako bude pomagača, bit će procesuirani

Ministar je ocijenio da se mora uzeti u obzir činjenica da je napadač mrtav i da je teško otkriti motive. No, sve se mora do kraja istražiti i vidjeti ko sve stoji iza napada.

- Ali, makar možemo da vidimo ima li organizator

iza svega toga, da li je imao pomagače, da li je imao podstrekače i da li ga je neko nagovarao da ovo uradi. Tu se mora ići do kraja, ako do tih informacija dođemo, onda ćemo te osobe i procesuirati - kaže Mektić.